



საქართველოს გარემოს დაცვისა და ბუნებრივი რესურსების სამინისტრო
**გარემოსდაცვითი ნებართვისა და სახელმწიფო
ეკოლოგიური ექსპერტიზის დეპარტამენტი**

საქართველო, 380062 თბილისი, ფალიაშვილის ქ. 87. ტელ: 25-17-20; ფაქსი: 25-17-21

სახელმწიფო ეკოლოგიური ექსპერტიზის

დასკვნა პროექტზე

№ 10

“ 11 ” 05 2004 წ.

1. საპროექტო მონაცემები

- | | |
|---------------------------------|---|
| 1. პროექტის დასახელება – | შ.პ.ს. “ბურჯი“-ს საქმიანი ეზოს ტერიტორიაზე განთავსებული საწარმოო ობიექტები (ასფალტობეტონის ქარხანა, ქვის სამტკრევები, ბეტონის კვანძები და საღურგლო საამქრო) |
| 2. საქმიანობის კატეგორია – | პირველი |
| 3. პროექტის სტადია – | გარემოზე ზემოქმედების შეფასების ანგარიში |
| 4. პროექტი შედგენილია – | შ.პ.ს. სამეცნიერო-კვლევითი ფირმა “გამა“-ს მიერ |
| 5. ობიექტის ადგილმდებარეობა – | ქ. საჩხერე, თამარ მეფის ქ. №2 |
| 6. დამკვეთი – | შეზღუდული პასუხისმგებლობის საზოგადოება “ბურჯი” |
| 7. პროექტი წარმოდგენილია – | შეზღუდული პასუხისმგებლობის საზოგადოება “ბურჯი“-ს მიერ |
| 8. საპროექტო მასალები მიღებულია | 10. 03. 2004 წ. |

II. ძირითადი საპროექტო ბაღაჟშემაჯობანო

შეზღუდული პასუხისმგებლობის საზოგადოება "ბურჯი"-ს მიერ გარემოსდაცვითი ნებართვის მიღების მიზნით სახელმწიფო ეკოლოგიურ ექსპერტიზაზე წარმოდგენილი "ქ. საჩხერეში შ.პ.ს. "ბურჯი"-ს საქმიანი ეზოს ტერიტორიაზე განთავსებული საწარმოო ობიექტების (ასფალტობეტონის ქარხანა, ქვის სამტკრევეები, ბეტონის კვანძები და საღურგლო საამქრო) პროექტი"-ს გარემოზე ზემოქმედების შეფასების ანგარიში შედგენილია შ.პ.ს. სამეცნიერო-კვლევითი ფირმა "გამა"-ს მიერ. დოკუმენტაცია შედგება ერთი ტომისაგან 72 გვერდზე.

საქმიანი ეზოს ტერიტორია მდებარეობს ქ. საჩხერეში თამარ მეფის ქ. №2-ში. საპროექტო მონაცემების მიხედვით შ.პ.ს. "ბურჯის" დაგეგმილი აქვს წლიურად:

- ასფალტო-ბეტონის წარმოება – 5000 ტონა;
- ღორღისა და ქვიშის წარმოება – 12000მ³;
- ბეტონის ნარევის მომზადება – 7000მ³;
- ხის ნაკეთობების დამზადება – 1000მ².

ზემოთ აღნიშნული საქმიანობისათვის შ.პ.ს. "ბურჯი"-ს მფლობელობაში არის 2,16 ჰა მიწის ფართობი. ამასთან მხედველობაში არის მიღებული დასახლებული პუნქტების დაცილება წარმოებიდან, რაც დაახლოებით 800 მეტრს შეადგენს.

წარმოდგენილ დოკუმენტაციაში მოცემული და განხილულია:

- გარემოზე და სოციალურ ფაქტორებზე ზემოქმედების შესამცირებლად დაგეგმილ ღონისძიებათა აღწერა;
- მოსალოდნელი ემისიების მოცულობები და სახეები;
- ემისიის მოცულობის დასადგენად დაგეგმილი მეთოდები;
- საწარმოო პროცესების შედეგად მიღებული ნარჩენების სახეები, ოდენობა, მათი განთავსების შესაძლო ადგილები. ნარჩენების შესამცირებლად და გადასამუშავებლად დაგეგმილი ღონისძიებები;
- ტექნოლოგიური ავარიების თავიდან აცილების მიზნით დაგეგმილი უსაფრთხოების ზომები.

წარმოდგენილი დოკუმენტაციის განხილვისა და შეფასების შემდეგ დამოუკიდებელ ექსპერტთა მიერ გამოთქმული შენიშვნები ასახული კრებსით დასკვნაში მოცემულია წინამდებარე დასკვნის III თავში

III. შპს-შპს-შპს

1. საქართველოს კანონის “ატმოსფერული ჰაერის შესახებ” მოთხოვნათა შესაბამისად საწარმოს ფუნქციონირების დაწყებამდე შემუშავებული და დამტკიცებული იქნეს:
 - ატმოსფერული ჰაერის დაცვის და ატმოსფერულ ჰაერში მავნე ნივთიერებათა ზღვრულად დასაშვებ ფარგლებათა ნორმატივების პროექტი;
 - გარემოში მავნე ნივთიერებათა გამოყოფის ინვენტარიზაციის ტექნიკური ანგარიში;
2. საქართველოს კანონის “წყლის შესახებ” მოთხოვნათა შესაბამისად მდ. ყვირილადან ტექნიკური წყლის აღებასა და მდ. ყვირილაში ჩამდინარე წყლების ჩაშვებაზე აღებული იქნეს შესაბამისი ლიცენზიები წყალაღებასა და წყალჩაშვებაზე;
3. შემუშავებული იქნეს გარემოსდაცვითი მონიტორინგის (თვითმონიტორინგის) პროგრამა და მისი შესრულების გეგმა. გეგმაში აისახოს ატმოსფერული ჰაერის, წყლის და ხმაურის მდგომარეობის შეფასების საკითხები;
4. გარემოსდაცვითი მონიტორინგის მონაცემების საფუძველზე, გარემოზე ზემოქმედების შერბილების ღონისძიებების აუცილებლობის შემთხვევაში შემუშავებული იქნეს შესაბამისი შემარბილებელი ღონისძიებების გეგმა. აღნიშნული შეთანხმდეს გარემოს დაცვისა და ბუნებრივი რესურსების იმერეთის რეგიონალურ სამმართველოსთან;
5. საწარმოო პროცესების შედეგად მიღებული ნარჩენების განთავსების საკითხები შეთანხმებული იქნას ადგილობრივ მმართველობით ორგანოებთან;
6. პროექტით გათვალისწინებული სამუშაოების მიმდინარეობისა და სახელმწიფო ეკოლოგიური ექსპერტიზის დასკვნაში აღნიშნული შენიშვნების შესრულების შესახებ, ყოველი წლის აპრილის თვეში, წარდგენილ იქნას შესაბამისი ანგარიში გარემოს დაცვისა და ბუნებრივი რესურსების იმერეთის რეგიონალურ სამმართველოში.

IV. დასკვნა

შეზღუდული პასუხისმგებლობის საზოგადოება "ბურჯი"-ს მიერ გარემოსდაცვითი ნებართვის მიღების მიზნით სახელმწიფო ეკოლოგიურ ექსპერტიზაზე წარმოდგენილი "ქ. საჩხერეში შ.პ.ს. "ბურჯი"-ს საქმიანი ეზოს ტერიტორიაზე განთავსებული საწარმოო ობიექტების (ასფალტობეტონის ქარხანა, ქვის სამტკრევეები, ბეტონის კვანძები და საღურგლო საამქრო) პროექტი"-ს გარემოზე ზემოქმედების შეფასების ანგარიშის მიხედვით საწარმოების მშენებლობა შესაძლებელია.

საწარმოო ობიექტების ექსპლუატაციაში გაშვებამდე გათვალისწინებული იქნას წინამდებარე დასკვნის III თავში მოყვანილი 1, 2, 3 და 4 შენიშვნა.

ობიექტების ექსპლუატაციაში გაშვების მზადყოფნასთან დაკავშირებით შექმნილი მიმღები კომისიის შემადგენლობაში გათვალისწინებული იქნას საქართველოს გარემოს დაცვისა და ბუნებრივი რესურსების სამინისტროს წარმომადგენლის მონაწილეობა.

სახელმწიფო ეკოლოგიური ექსპერტიზის დასკვნის მოქმედება განისაზღვრება ათი წლის ვადით, მისი გაცემის თარიღიდან.

ობიექტები გარემოსდაცვით სახელმწიფო ინსპექტირებას ექვემდებარება წელიწადში ერთხელ, გარემოს დაცვისა და ბუნებრივი რესურსების იმერეთის რეგიონალური სამმართველოს მიერ.

ექსპერტები:

- 1. ონიანი დ. (თავ-რე) *[Handwritten Signature]*
- 2. გირგვლიანი დ. *[Handwritten Signature]*
- 3. *[Handwritten Signature]* მიქაშვიძე ბ.
- 4. *[Handwritten Signature]* გრიგორაშვილი ზ.
- 5. *[Handwritten Signature]* ქავთარაძე თ.
- 6. *[Handwritten Signature]* წულუკიძე ი.
- 7. *[Handwritten Signature]* ცხვიტავა რ.
- 8. *[Handwritten Signature]* ფხალაძე თ.
- 9. *[Handwritten Signature]* შვერილაძე ნ.



გარემოსდაცვითი ნებართვისა და სახელმწიფო ეკოლოგიური ექსპერტიზის დეპარტამენტის უფროსი (მოადგილე): *[Handwritten Signature]*

სახელმწიფო ეკოლოგიური ექსპერტიზის სამმართველოს უფროსი (განყ. უფროსი): *[Handwritten Signature]*